

父前子名，故周公告文王，皆稱武王名。又云：見似目瞿，聞名心瞿。夫父者子之天也，故其禮節之相去，如天地之懸隔，豈有父爲子稱其名乎？夫天子之禮，雖與庶人異，而至于父子之間，未有差別。昔太公家令有人臣之語，漢祖善之，褒賞是則爲太公，未登尊位也。雖然，漢祖以之被短於世耳。又案諸家書儀，父母與子書，皆云：爺告、娘告，遂無注其名者。然則書御諱事，未知攸據也。謹奉勅命，古今於勅書只書御畫日，又無注御諱，見之者可知。誰書論之物情，理不可然。謹案摯虞決疑要云：古者臨文不諱，而今猶以爲諱，嫌名不諱，而今猶以爲諱，二名不偏諱。孔子母名徵，在言徵不言在，言在不言徵，今亦不偏諱。若據孔聖之前蹤，唯注御諱之一字，隨禮隨俗，儻得其宜哉。於是勅從之。廿五日丙申，先是去廿一日太上天皇勅答曰：諸司及諸衛府分直者，皆當復供職於平昔，得專此虛閑之望矣。者是日帝上表曰：臣諱言，伏奉今月廿一日天誨，許上御封，更有別制。諸司及諸衛府等分直者，遣還本職，恭承命旨，情慮驚廻，水炭交懷，喜懼兼至。中謝臣聞上天垂象，禁衛嚴於紫微，皇王凝規，官職共於朱闕，故供奉無失，在曉夕而唯祗，威容所加，示遠近而可畏，亦夫不愆不忘，當舊章是率。是由詎廢故事，加之六軍之衆，單兵分從，百官之中，數司遞直，假之議者，未謂煩勞。况今新御別宮，有如客舍，宜有宿衛以備徵巡，臣伏見人臣之家，且有隨身之仗，州郡之宰，非無耀威之兵，矧乃太上至尊，天皇崇重，巨細喻喁於德澤，遐邇瞻仰於恩暉，伏願陛下懷中之慈，允徼臣膝下之請，無任慙欸之至，謹重奉表，陳乞以聞。

〔三代實錄〕

三十五陽成

元慶三年二月十七日丁丑，先是太上天皇

和清

勅返御封一千戶，至是皇帝上表，不

奉勅旨，猶充奉二千戶。曰：臣諱謹言，伏奉勅旨，減折御封，不恭承而止，畏切鏤冰，欲箝默以從，誠虧底露。臣諱誠惶誠恐，頓首頓首。臣聞天之與人，孝子業在，諧命事之，隨理思夫，慎其有常，故一天下之至尊，臣不拒前勅於童稚，二千戶之甚少，臣能稽舊章於老成，而今枉降中使，重叙睿情，纔納半封，更增掎摑，臣謹計入租，伏量輸貢，若任土非實，恐支用或虧。陛下縱損全數，雖有撝謙之德，臣遂從折分，既忘愛禮之義，况皇天貴誠不貴物，臣子爲道不爲身，陛下臣之皇天也，請將盡誠於方寸，臣陛下之臣子也，請不失